



## **Antiquae Lectionis Tomus ...**

In Qvo XVI. Antiqua Monumenta Ad Historiam Mediae Aetatis Illustrandam,  
Nunquam Edita

**Canisius, Heinrich**

**Ingolstadii, 1601**

Epistola XV. Sanctissimis in Christo fratribus, & beato Martino confessori  
Christi seruientibus. Humilis Levita Alcvini salutem.

---

[urn:nbn:de:hbz:466:1-64144](https://nbn-resolving.org/urn:nbn:de:hbz:466:1-64144)

li; felicia Christiano populo tempora, in vestra felicitatis exaltatione & salute, certissimè sciens, pro qua semper Deum deprecari gaudeo, eandem semper audire desidero, & quasi optatum, à Deoq; destinatum munus, omnino gaudeo, vestram incolumitatem cupiens semper audire. Quis enim est, qui non gaudeat de sui capitis perfecta integritate, nisi fortè furibundus, vel insanus? Et si iuxta Apostoli <sup>Ephes. 6.</sup> sententiam, Nemo carnem suam odio habet, sed eam fouet, & nutrit: quantò magis in capitis sanitate, in quo est totius corporis perfectio & gloria, omnis membrorum cōpago congaudere debet?

## EPISTOLA XV.

Sanctissimis in Christo fratribus, & beato Martino confessori Christi seruiantibus.

*HVMILIS LEVITA ALCVINI*  
salutem.

**I**X quo vestram beatitudinem scire potui, semper amare volui. quia sanctitas vestra cordi meo amorem infundit vestri, optans vnus esse ex vobis, vt si meritis esse nequiuissimè, charitate tamen fraternæ dilectionis coniunctus essem, quatenus in die magno resurrectionis omnium particeps essem eorum, quos tantus pastor suo Regi præsentabit. O felix familia, tali gaudente pastore, talem habens in die Domini ductorem. Felix, qui eius tota voluntate sequitur vestigia, vt illius inhærens præceptis, ipsius mereatur consociari gloriæ. Vt hoc fieri valeat, nulla vos seculi concupiscentia; nullum carnale desiderium abstrahat: nec vestra salutis vosmetipsos negligentes esse

E 3 decet:

debet: nec paratam vobis à Deo gloriam parui pendere. Habetis enim Dei gratiam auxiliantem vobis, & magnum intercessorem, S. scilicet MARTINUM, deprecantem quotidie pro vobis. quia, in cuius seruitio quotidie statis in domo sua, illum habetis in cœlis omni hora suffragatorem.

Quapropter, dilectissimi fratres, diligentissimè contendite, vt sapius vos inueniat visitatio sui sanctissimi spiritus in laudibus diuinis vigilantes. In loco, in quo elegit sibi quietem dulcissimam, sic fundite preces vestras, quasi præsente DEO loquentes, & Sanctis eius: nec sit aliud in corde, aliud in ore, quia homo audit, quod os loquitur: DEVS inspicit, quod cor cogitat. quia cor contritum & humiliatum DEVS non spernit. Et omnis qui se humiliat, exaltabitur. Per humilitatem verò, obedientiam, & charitatem, monarchus cœlum ascendit.

Non est igitur laudabile in vestimentis, habitum imitari patrum, sine obseruatione mandatorum, quæ illi statuerunt DEO seruientibus. Qui foris in oculis hominum ovis in vestimentis videri cupit; intus ante conspectum Dei per cordis secreta esse contendat, quod foris ante homines putari cupit.

Charitas igitur quam DEVS præcepit, duplex esse debet, id est, DEI, & proximi. Vna, quæ supra nos est, id est DEVS: altera, quæ iuxta nos est, id est homo. DEVS ex toto corde, & ex tota anima, & ex tota diligatur virtute. Proximos verò sicut nosmetipsos diligamus. Si querit quislibet, qui sit proximus; omnem Christianum intelligere debet, veluti in Euangelio legimus de Samaritano, qui vulneratum adiuuit. Item obedientia duplex esse debet, id est, & mala non facere, quæ prohibentur; & bona facere, quæ iubentur. Et hæc duo, id est charitas, & obedientia, cum summa iubentur humilitate impleri. Hæc sunt

sunt tria praecepta, quae aperient monachis portas caeli.

His itaque quasi radicibus, aliae succrescunt virtutes, quasi ramorum fertilitas, quibus fructus vitae nascitur aeternae. Nec me, rogo, sanctissimi patres & fratres, presumptuosum aestimate, cur vobis haec scriberem. Caritas mea compulit, in has prorumpere literas; optans vobis omnia bona à Deo donari, ut in seculo honorem habeatis cum hominibus, & in futuro seculo vitam aeternam cum sanctis DEI.

Vos verò seniores, in spiritu mansuetudinis, sicut Apostolus praecepit, iuniores vestros admonete. quia illorum salus, vestra est merces. Illorum eruditio, vestra est remuneratio. Quia qui arborem plantat, mercedem de fructu illius accipere cogitat. Habete adolescentes, quasi filios, quatenus illi vos habeant, ut patres. Exemplis bonis illos instruite: admonete, ut charissimos: castigete, ut conseruos: quia haec est fraterna caritas, ut omnes, quasi vosmetipsos ad coronam supernae beatitudinis perducere studeatis. 1. Cor. 4.

Adolescentes verò senioribus, quasi patribus, subditi estote, sicut de Domino Christo legitur in Euangelio, quòd Luc. 2. subditus esset suis parentibus. Si verò DEVS homo, & dominus omnium, subditus esse non dedignatur hominibus: quantum magis & vos pueri, adolescentes subditi esse debetis magistris vestris, ut per illorum bonam doctrinam proficere, & florere, & exaltari in Ecclesia CHRISTI, & ad vitam aeternam cum illis, DEO donante, peruenire mereamini.

Pro me semper intercedere dignemini, quatenus vestris precibus veniam merear accipere peccatorum, & amabilem vobiscum in die nouissimo Domini nostri Iesu Christi audire Math. 25. sen-

sententiam: Venite benedicti patris mei, percipite regnum,  
quod vobis paratum est ab origine mundi.

*Vos aeterna DEI conseruet gratia fratres.*

*Nominis atque mei memores sine fine valete.*

EPISTOLA XVI.

*Eihelbreth E-  
piscopo Haug-  
staldensi.*

Præcipuæ dignitatis pastori Ill. Episcopo,  
& omni congregationi in Ecclesia  
S. Andreae DEO seruien-  
tium.

*ALCVINI VESTRÆ CLIENTELLVS  
sanctitati.*

*Iacob. j.*

**P**ARVITATIS meæ literulas dirigere curavi, vt & p-  
stum antiquæ familiaritatis innouarem, & me ve-  
stris sacratissimis commendarem orationibus. Vni-  
uscuiusque in secreto oratio ad aures omnipotentis DEI  
Et si vnus iuxta Apostolum, multum valet deprecatio iusti  
quantò magis & totius sanctissimæ congregationis in Chri-  
sto, quorum quotidie canonicis horis pacificæ vnanimita-  
tis postulationes cælum penetrare credendum est etiam  
& singulariùs peruenire non dubitandum est. Quapropter  
cum omni petitionis humilitate, me ipsum etiam vnicui-  
que, & communibus omnium, & specialibus singulorum  
quantum ea valet apud vestram pietatem deprecatio, com-  
mendo orationibus, vt per vestræ sanctitatis preces meo-  
rum catenis peccatorum absolutus, fratres charissimi, vtra-  
ianuas ingredi merear.

O nobilissima Sanctorum progenies patrum illorum  
honoris, venerabilisq; vitæ successores, & pulcherrimorum  
habitatores locorum, vestrorum sequimini vestigia patrum